



**Rigor Moderatus Doctrinæ Pontificiæ Circa Usuras A SS.  
D. N. Benedicto XIV. Per Epistolam Encyclicam Episcopis  
Italiæ Traditus**

Specimina exhibens Moderationis Pontificiæ, à P. Daniele Concina violatæ

**Zech, Franz Xaver**

**Ingolstadii, 1749**

Art. 1. De Pignore in genere.

---

[urn:nbn:de:hbz:466:1-63772](#)

qui non nisi demonstrationes venditat, crediderit. Rationes quidem eorum, qui ex periculo amittendæ sortis, justum titulum exigendi aliquid ultra sortem eruunt, semper mihi videbantur graves, nec contemnendæ. Retrahebat tamen à firmo assensu formido quædam, ne in hac delicata materia, benignior doctrina fuso rationum illuderet judicio meo; & assuetudo loquendi, agendique, quam in his terris tenent omnes, obtegeret sophismata in benignioris sententiæ argumentis latentia. Unde postquam in recentissimis rigidiorum Doctorum libris, evidentes demonstrationes contra hunc titulum jactari consiperem, legebam avidè, relegebam attentè, ea solum intentione, ut de injustitia hujus tituli convincerer, & in tuiore sententia firmarer, qua animi præparatione me satis aptum credebam ad recipiendam evidenter argumentorum lucem, quam Germaniæ, usurrum tenebris involutæ, affusuros se sperant Zelosi isti Theologi. Aliud expertus sum; quo attentius enim eorum doctrinam perpendi, eo certius persuasus fui, rationes ab ipsis adductas, vel eundem quæstionis statum non constanter tenere; vel æquivocationibus quibusdam laborare, prout ex datis ad eorum argumenta responsis, satis patere existimo. Unde nunc demum, quod hucusque ausus nunquam fui, profiteor, me adhærere benigniori doctrinæ, asserenti, periculum amittendæ, vel magna cum molestia recuperandæ sortis, esse justum titulum pacificandi de auctario ultra sortem solvendo in Mutuo.

## SECTIO IV.

## De Jure Pignoris.

§. 67.

*Jus Pignoris constituitur in securitatem debiti.* Per pignus enim intelligimus rem à debitore traditam creditori, ut, nisi debito tempore solvatur debitum, ex eadem ipsi satisfiat.

F

Art. 1.  
DE PIGNO-  
RE IN GE-  
NERE.

*Si ex pi-  
gnore pre-  
ter securi-  
tatem de-  
biti,*

§. 68.

## §. 68.

*Quara-  
tur alia  
utilitas,* Si quis præter securitatem debiti, aliam ex pignore utilita-  
tem querit, extra naturam pignoris id facit, cùm pignus solum-  
modo intendatur in securitatem debiti. (§. 67.)

## §. 69.

*Usura  
committi-* *Utilitas ex pignore pro mutuata pecunia dato, quæri non po-  
test absque vitio usuræ, nisi præter usum pecuniæ creditæ,  
alius justus accedat titulus. Hoc enim deficiente, utilitas  
illa non perciperetur ratione pignoris: (§. 68.) sed solum  
propter usum pecuniæ creditæ, quæ est usura omni jure pro-  
hibita. (Diff. I. §. 83. seqq.)*

## §. 70.

*Unde pa-  
ctum An-  
tichreſeos,* *Pactum Antichreſeos est, quo jus re oppignorata utendi  
fruendi, loco pecuniæ creditæ in creditorem confertur. Sicut  
contractu pignoris consultur securitati debiti; sic apud eos,  
qui usuras permittunt, pactum Antichreſeos adjicitur pro  
securitate usurarum, quarum compensatio sunt fructus pi-  
gnoris Antichrestici.*

## §. 71.

*Eſt illici-  
tum,* *Illicita usura, aut quod loco usuræ est, sola stipulatio-  
ne, vel pacto non potest licitum fieri. (Diff. I. §. 153. 154.)  
ubi igitur præter usum pecuniæ creditæ non intercedit legi-  
timus titulus percipiendi emolumentum, ibi nec licet adjic-  
cere pactum de utendo fruendo pignore, cùm hi fructus  
essent compensatio usuræ illicitæ: (§. 70.) consequenter pa-  
ctum Antichresticum est illicitum ē usurarium.*

## §. 72.

*Si Anti-  
chreſis  
ſtrictè fu-  
matur.* *Pactum, vi cuius permittitur usus aut fructus rei op-  
pignoratae, adæquans emolumenta ex justo titulo in mu-  
tuo debita, v. g. damni emergentis, aut lucri cessantis ;  
non*

nō est illicitum : quia usus pignoris non conceditur pro usu pecuniae, adeoque nec in compensationem usurarum stricte dictarum. Sicut autem ista emolumenta dicuntur usuræ minus stricte sumptæ : (*Diff. I. §. 75.*) ita etiam *simile patrum vocari potest Antichresis minus stricte dicta.* (a)

(a) Erit contractus mixtus ex pignore & commodato, si usus aut fructus liberaliter donetur : vel mixtus ex pignore & locato, si fructus pignoris estimato concedantur, ut ex pensione deducantur emolumenta alias debita. Vid. WOLFFIUS *Jus natur. p. 5. §. 1223. seq.*

## §. 73.

Si usus ac fructus rei oppignoratae non solum adæquat, *Deductis fructibus,* sed etiam superat auctarium ex alio titulo debitum vel lici-  
tum, *creditor antichresticus tenetur excessum restituere, aut in*  
*soritem computare ; nam animus donandi in debitore non*  
*præsumitur.*

Pro tali casu tenetur creditor antichresticus debitori rationem red-  
dere de fructibus perceptis, cum alias constare nequeat, quid  
sit restituendum. Res hæc est molestissima, & fomes discordia-  
rum, quando res pignori data fert fructus valde incertos, modò  
pauciores, modò plures. Hinc variæ excogitatæ sunt cautelæ,  
quibus se ab hoc onere reddendarum rationum liberare possint  
creditores, de quibus STRYCKIUS *tr. de cautel. contract. sect.*  
*3. c. 4. §. 23. seqq. cavendum semper, ne palliata usura intercedat.*

## §. 74.

Restituta sorte, restituendum est pignus integrum, *Qui ex a-*  
*cum fructibus, deductis tamen expensis, & iis, quæ alio* <sup>*llo titulo*</sup>  
*titulo debentur,* (a)

(a) *C. 1. & 2. de usur. c. 7. de Jurejur. c. 6. de Pignorib. quænam ex-*  
*pensæ deduci possint, non est hujus loci, ut fuisius tradamus,*  
*uti nec alia, quæ circa usum pignoris statuuntur. Vid. LEO-*  
*TARD. de usur. q. 11. GAITUS de Credit. c. 4. q. 8. & 9.*  
*EMAN. GONZALEZ in c. 6. de Pignorib. & alii apud hos citati.*

*Ratione  
pignoris  
nihil potest  
percipi.*

Fluit ex dictis, quod *Jus Pignoris non præbeat iustum titulum percipienti aliquid ultra sortem in mutuo.* Particularis ratio pugnat pro quibusdam pignoribus, de quibus nunc inquirendum. I. De Pignore Dotali. II. De Pignore Feudali. III. De Oppignorationibus Germaniae.

*Art. 2.*

*DE PIGNO-  
RE DOTA-  
LI.  
In societa-  
te conju-  
gali*

*Contractus Connubialis perpetuam vitæ societatem ad pro-  
creandam & educandam sobolem inter conjuges intendit; & quod  
consequens videtur, communem utriusque fortunam, com-  
munem in administranda re familiari & educanda prole  
opem ac consilium exigit.*

*Alteruter*

*In societate duorum, communis administratio locum habere  
non potest, nisi penes alterutrum major negotia dirigendi facultas  
constituatur. Sperandum enim non est, ut in eligendis me-  
diis uterque semper consentiat: nec numerus suffragiorum  
inter duos vincere potest.*

*Prævalere  
debet:*

*Cùm inter duos conjuges sit intima societas: (§. 76.)  
& in societate duorum alteruter prævalere debeat: (§. 77.)  
oportet, ut in conjugio, vel uxoris vel mariti potior sit autoritas.*

*Neuter  
quidem ex  
regulis  
Justi;*

*Ex Regulis JUSTI, neutri conjugum potestas major competit.  
Ex officiis enim, ad quæ lex naturalis conjuges obligat, non  
apparet, uter majus jus in alterum sibi arrogare possit.*

*Sed ex re-  
gulis De-*

*Ex Regulis DECORI, potiores sunt partes mariti, sic sta-  
tuente Lege Divina; (a) & suadente ratione, quæ attendit  
ad*